

小廣敘

學易古

古千千

訓文文



敘
古
千
文

黃 胡
灝 寅
注 撰

中
華
書
局

敍古千文

此據粵雅堂叢書
本排印初編各叢
書僅有此本

敘古千文

宋 胡

寅撰

黃 灝註

太和細縕二儀肇分。

太和以氣言。太和之氣。細縕升降。二儀以象言。儀。匹也。肇。始也。陰陽始分。有匹對也。

清濁奠位。乾坤爲門。

清濁以形言。奠。定也。陰陽既分。天地定位。列子曰。輕清者上爲天。重濁者下爲地。乾坤以理言。乾。天之理。坤。地之理。氣形象皆舉矣。易曰。大哉乾元。萬物資始。至哉坤元。萬物資生。門。言萬物之所從出也。

品物流形。容哲超羣。

品物。萬物之品也。流形。言流動生出成形質也。容。通也。哲。明也。人爲萬物之靈。而容哲之人。又出乎其類也。此一節。敘天地人物。

維河出圖。顯道之原。

河出圖。聖人則之。道之原本。由此顯示。禮記曰。河出馬圖。注。龍馬負圖而出也。

伏羲畫卦。爰始斯文。

太昊氏風姓。服牛乘馬。故號伏羲。爰發語辭。因河圖以畫八卦。爲斯文之始。

儼垂衣裳。下臣上君。

上曰衣。下曰裳。儼然垂其衣裳。所以示君臣上下之分。易曰。黃帝堯舜垂衣裳而天下治。軒轅通變。成于華助。

黃帝名軒轅。姓公孫。堯曰放助。姓伊祈。舜曰重華。姓姚。易曰。神農氏沒。黃帝堯舜氏作。通其變。使民不

倦。揚子曰。法始乎伏羲。而成乎堯。

意誠心正。萬化生身。言前數聖人。皆意誠心正。變化萬殊。皆出乎其身也。禮記曰。物格而後知至。知至而後意誠。意誠而後

心正。心正而後身修。身修而後家齊。家齊而後國治。國治而後天下平。陰符經曰。萬化生乎身。

神禹胼胝。疎濬汨湮。胼。蒲眠切。胝。張尼切。禹。姒姓。舜命爲司空。使平水土。後世稱爲神禹。莊子曰。雖有神禹。且不能知。胼。皮上堅也。胝。足厚也。疎。通也。濬。深也。汨。亂也。湮。塞也。禹治水。手胼足胝。鯀湮洪水。汨陳其五行。禹疏濬也。

底別九州。拯拔墊昏。

墊。丁念反。底。致也。書曰。禹別九州。九州。冀、兗、青、徐、揚、荆、豫、梁、雍也。拯。上舉也。拔。擢也。墊。溺也。昏。替也。言禹救民溺也。書曰。下民昏墊。

賁賦包篚。多寡適均。

禹既平水土。任土作貢。厥貢漆絲之類。定賦爲九等。厥賦惟上上錯之類。色。包裹而致者。厥包橘柚錫

貢之類。籩、盛之篋。籩者，厥籩織文之類，多寡隨土地所出，適皆均平也。

沐浴詠歌，逮今攸遵。

禹之功，民沐浴而歌詠之。史記：沐浴膏澤，歌詠勤苦。

棄稷厥初，夙震姜嫄。

棄，舜稷官姜嫄，棄母有邠氏女，配高辛氏帝，生子異而棄之，故名曰棄。厥初，其初始時也。震，動。夙，早也。言稷始生之異也。詩曰：厥初生民，時維姜嫄。載震載夙，載生載育，時維后稷。

稷，杯麋芑，菲種耕耘。

稷，晉巨。杯，孚鄙反。麋，音門。芑，皆杞。稷，黑黍。杯，一稔二米。麋，赤苗。芑，白苗。菲，治種。藝，穀。耕，犁。耘，除苗閒穢。言后稷播百穀也。詩曰：誕降嘉種，維秬維秠，維糜維芑。菲，厥豐草。種之黃茂。

暨益播食，燔烈饔飧。

暨，及也。益，舜虞官。艱食之處，后稷與益同教民播種之。決川有魚鼈，使民鮮食之。書曰：暨益奏庶鮮食。暨稷播奏庶艱食鮮食。傳：火曰燔，貫之加于火曰烈。饔，飧，熟食。朝曰饔，夕曰飧。言民得食也。詩曰：載燔載烈。孟子曰：饔飧而治。

字育蒸黎，餘慶茂繁。

字，子也。育，養也。蒸，黎皆衆也。言后稷子養衆民，積善餘慶，後嗣茂盛繁衍，成有周之業也。易曰：積善之

家必有餘慶。詩曰：文武之功，起於后稷。

高實掌教，修敍彝倫。

高亦作契，息利反。高，舜司徒，修治也。彝，常倫理也。言高典五常之教，修敍常理。孟子曰：使契爲司徒，教以人倫。父子有親，君臣有義，夫婦有別，長幼有敘，朋友有信。

由已敬敷，丕革頑歸。

敬，欽也。敷，敷教也。丕，大也。革，變也。心不則德義之經爲頑，口不道忠信之言爲歸。由高中心欽敬，故能敷五教，大變天下不善之人也。書曰：敬敷五教。

孝慈友弟，賤卑貴尊。

天下之人，承高之教，子孝父慈，兄友弟恭，貴賤尊卑，各安其分也。

寬宏悠久，帝風雍醇。

其教寬廣宏大，其施悠遠久長。此帝者之風化，所以雍和醇醲也。

皋陶矢謀，秋殺春溫。

陶音遙。皋陶，舜理官，矢，陳也。謀，謨也。皋陶明刑弼教，其肅殺如秋，溫厚如春也。

欽恤象刑，信順協存。

欽，敬也。恤，憂也。象法也。書曰：象以典刑，欽哉欽哉，惟刑之恤哉。皋陶敬憂其法，而民信服順從之，上下

之情允協而常存也。

共、鯀、苗、討而弗論。

鯀故本反。流共工于幽州。放驩兜于崇山。竄三苗于三危。殛鯀于羽山。討此四罪。止于流放。而不忍論殺之。傳曰。四罪不死。事見通典。

蠻貊賓服。治俗愈敦。

四夷南方曰蠻。北方曰貊。書曰。惇德永元。而難任人。蠻夷率服。蠻貊從服。政治風俗。愈亦敦厚。

岳牧代工。洪造何言。

岳。四岳。牧。十二牧。工。官也。洪造。天也。言岳牧之人。代天理官。帝無爲而天下治。猶天不言而四時行。書曰。天工人其代之。論語曰。天何言哉。四時行焉。

三辰珠璣。四序環循。

三辰。日月星也。四序。春夏秋冬也。三辰垂象。如珠之璣明。四時往來。如環之循環無端也。

鳥獸咸若。草木殖蕃。

咸。皆也。若。順也。殖。生也。蕃。茂也。書曰。若予上下草木鳥獸。

簫韶鳳凰。焜燿典墳。

焜。胡本切。簫。樂器。韶。舜樂。明言簫。見細器之備。雄曰鳳。雌曰凰。靈鳥也。書。簫韶九成。鳳凰來儀。焜燿典。

墳言焜煌照耀於典冊之書也。春秋左氏傳內官焜煌。又曰能讀三墳五典。此一節敍伏羲至堯舜。

夏承虞禪。咨稱儉勤。

禪時戰切。夏禹也。姒姓。虞舜也。虞夏國氏。舜禹諡也。禪禪讓傳受也。咨嗟也。禹受舜。咨嗟稱揚其德曰。克勤于邦。克儉于家。

啓聽謳訟。付畀後昆。

啓禹之子。畀與也。後昆後嗣也。言謳歌訟獄之歸啓。啓遂聽受之。而以天下付與後嗣。蓋堯舜傳之賢。禹傳之子。孟子曰。唐虞禪夏后殷周繼。又曰。朝覲訟獄者。不之益而之啓。謳歌者。不謳歌益而謳歌啓。

戰甘勛扈。威賞詎煩。

勛子小反。甘地名。勛截也。扈有扈氏也。啓嗣禹位。討有扈之罪。大戰於甘。勛絕其命。其賞罰不煩多也。書曰。啓與有扈戰於甘之野。天用勛絕其命。左氏傳曰。慶賞刑威曰君。

洛汭荒畋。馳驅十旬。

洛汭洛水之北也。荒迷亂也。畋田獵也。馳驅奔走也。旬十日也。啓之子太康荒迷田獵於洛汭之地。書曰。太康尸位。以逸豫畋於有洛之表。十旬不反。

御母述戒。祖訓忍聞。

御侍述循也。訓戒也。忍聞言不忍聞之也。書曰。厥弟五人。御其母以從。徯於洛之汭。五子咸怨。述大禹。

之戒以作歌。其一曰。皇祖有訓。

羿射擅朝。寒浞又因。

浞。士角反。羿。善射。有窮國之諸侯。擅。專也。寒浞又娛羿于田。取其國而因其室。

斟。殲澆豷。少康與綸。

斟。音堪。殲。將廉反。澆。五弔反。豷。許器反。斟。勝也。殲。滅也。澆。豷。寒浞二子。少康。帝相之子。與自綸邑。有田一成。有衆一旅。遂滅浞及其二子。而中興夏也。

癸。墜令緒。鼎遷於殷。

癸。夏之末王桀名。癸。鼎遷。言國祚移也。殷。湯國名。桀爲不道。墜失其令美之基緒。國遂移於殷也。書曰。今王嗣有令緒。左氏傳曰。昔夏之方有德也。貢金九牧。鑄鼎遷於商。此一節敘夏。

湯聘莘畝。伊尹戮力。

湯。諡也。子姓。契之後。契封於商。湯治亳。殷故國氏也。商又曰殷。聘。訪也。莘。國名。伊尹。湯相。戮力。陳力也。言湯聘伊尹於莘野畝畝之中。與之戮力。遂伐夏救民也。孟子曰。伊尹耕於有莘之野。湯三使人以幣

聘之。書曰。聿求元聖。與之戮力。

徂。征自葛。畏愛無敵。

徂。往也。征。正其罪也。葛。葛伯也。葛伯不祀。殺飢耕之童子。湯往征之。人皆畏其義而愛其德。故無敵之

者。書曰。初征自葛。孟子曰。攸徂之民。室家相慶。十一征而無敵於天下。

僕來其蘇。鳴條倒戟。

僕。待也。蘇。息也。鳴條。地名。戟。有枝兵也。民望湯師之來。冀得蘇息。故與桀戰於鳴條。衆皆倒兵自攻也。

書曰。僕予后。後來其蘇。又曰。遂與桀戰於鳴條之野。

俾后堯。舜。匹夫必獲。

俾。使也。后。君也。獲得也。言伊尹自任之重。上欲使其君爲堯。舜。下欲使一夫必得其所。書曰。予不克俾。

厥后爲堯。舜。其心愧恥。一夫不獲。時予之辜。

速戾放桐。遂終允德。

速。召也。戾。罪也。放。不知朝政。故曰放也。桐。湯葬地也。允。信也。太甲。湯孫。既立不明。伊尹乃放諸宮。太甲能思念其祖。終信其德也。書曰。以速戾於厥躬。又曰。太甲既立不明。伊尹放諸桐。又曰。克終允德。

子弼夢賁。武丁恭默。

子。我也。弼。輔也。賁。予也。武丁。高宗名。恭。敬也。默。不言也。武丁恐德弗類。恭敬不言。而思道。遂夢帝賜之。以輔弼也。書曰。夢帝賁予良弼。又曰。恭默思道。

營求郊野。築巖說得。

說。管悅。營。經營也。邑外曰郊。郊外曰野。說。名也。高宗乃審所夢之人。刻其形象。經營求之於郊野。得於

傅巖之築者其名曰說書曰使百工營求諸野說築傅巖之野惟肖

對敷休聲鬼方是克

對答也敷稱揚休美也鬼方北狄也克勝也說既作相答揚美命又嘗伐鬼方勝之書曰說拜稽首曰敢不對揚天子之休命易曰高宗伐鬼方三年克之

總福駿龐賢主六七

總集也福百順之名也駿大也龐厚也湯總集福祿爲下國駿龐故其後子孫賢德之君六七人如太甲太戊祖乙盤庚武丁是也詩曰百祿是總爲下國駿龐孟子曰由湯至於武丁賢聖之君六七作

悼監辛紂凶矜驕溢

監居陷切悼傷也監視也辛商之末王紂名辛凶暴矜誇恣盈溢也言當傷視紂之不道也

師箕囚奴忠諫焚炙

箕箕子也書注箕子爲太師史記曰箕子佯狂爲奴紂又囚之忠諫言忠直諫諍之人紂爲焚炙炮烙之刑以殺之書曰焚炙忠良此一節敘商

邪岐積累昌謨浸赫

邪邑也岐山也昌周文王名姬姓謨謀也浸漸也赫明盛也此言周之興本稷之後至公劉之子慶節立國於邪太王去邪居岐山世世積德累仁至文王時謀謨浸以光大書曰丕顯哉文王謨

重演爻繇。端本衽席。

繇直又切。演廣也。爻畫也。繇卦爻之辭。端正也。衽臥席。伏羲畫八卦。文王重爲六爻。併演卦爻之辭。又二南之化。本於后妃。言文王修身齊家。正其本於夫婦。衽席而化行天下。詩曰。刑于寡妻。至于兄弟。以御于家邦。

孚佑緝熙。西顧與宅。

孚信也。佑助也。緝續也。熙廣也。宅居也。上天孚信。佐助文王。緝熙敬止之德。眷然西顧而與之居。詩曰。穆穆文王。於緝熙敬止。又曰。乃瞻西顧。此維與宅。

肆發觀政。施鉞靡斥。

肆故也。發武王名。文王之子也。斥逐遠也。武王以父業未就。與諸侯觀紂政之善惡。紂罔有悛心。乃乘施仗鉞。靡斥而誓師也。書曰。觀政于商。又曰。王左杖黃鉞。右秉白旄以麾。

盟津約誓。附國八百。

盟晉孟孟津。河陽也。約結約誓。告誓。武王師渡孟津。大會以誓衆。作太誓三篇。諸侯附周者八百國。史記曰。不期而會孟津者八百諸侯。

釣渭非熊。皓首馮軾。

渭水名。皓白也。軾車上橫木。太公釣於渭水。應飛熊之占。文王載以俱歸。年八十餘。佐武王伐紂。白首

而憑車之軾也。史記：西伯將出獵，卜之曰：「非虎非熊，所獲伯王之輔。」果遇太公於渭水之陽。詩曰：「維師尙父，時維鷹揚。」涼彼武王，肆伐大商。

殪戎漂杵，祝斷丑歷。

殪，於計反。殪，殺也。戎，兵也。祝，斷也。書曰：「祝降時喪。」丑歷，商以建丑之月爲正。武王伐紂，觀兵于商，紂衆倒戈自攻，血流至于漂杵。蓋甚言其敗。自此商之正朔遂絕。故曰「祝斷丑歷」。書曰：「殪戎殷。」又曰：「血流漂杵。」

嗣誦幼冲，旦豈履籍。

嗣，子也。誦，成王名。幼冲，幼童。旦，周公名。武王之弟，豈非也。成王幼，不能蒞祚。周公相成王，非蹈履天下之圖籍也。而荀子曰：「周公履天下之籍，非也。」

植璧秉珪，金縢納冊。

植，置也。秉，執也。圓曰璧，方曰珪。縢，絨也。冊，書也。言周公先因武王有疾，乃作冊書，以身代武王。置璧於太王、王季、文王之坐，以禮神。公秉珪，珪爲贊以告，遂作冊書，納之櫃中。絨之以金。書曰：「植璧秉珪。」又曰：「納冊於金縢之櫃中。」

管蔡挾庚，往差罪辟。

辟，必亦反。管，蔡國名。管叔名鮮，蔡叔名度。周公之兄弟。武庚，殷紂之子祿父也。封以殷之餘民。與管、蔡

爲三監辟法也。周公相成王，管蔡疑周公將不利於成王，挾庚以畔。周公往征之，差次其罪法，殺武庚，致辟管叔於商，囚蔡叔於郭鄰。

斧斨卒完，繡袞赤舄。

斨，七羊反。隋鑒曰：斧，方鑿曰斨，受柄之處。卒，終也。完全也。袞，服有繡。舄，履也。方周公東征，管叔流言，王亦不能無疑。於是人有破斧缺斨之憂，然周公聖人，其心至公。天乃勳威，以彰公德。王亦感悟，而知公勤勞。斧斨終無破缺，而卒完全。繡袞袞衣，赤舄几几，而公歸矣。詩曰：袞衣繡裳，又曰：赤舄几几。釗持既盈，罔圉闕寂。

闕，若吳切。釗，康王名。成王之子。盈，滿也。罔，圉，獄也。闕，寂靜也。言成康之時，刑措不用，如器既滿，康王能持守之，不使傾溢，民不犯法，獄皆空寂也。詩曰：持盈守成。漢書曰：成康之隆，罔圉空虛，四十餘年。

滿蓋喜遊，遐驚轍跡。

驚，亡遇反。滿，穆王名。康王之孫。九十曰蓋，遐，遠也。驚，馳也。穆王立，春秋已五十，在位五十五年，耄荒喜遊，遠馳其車轍馬跡於天下。左傳曰：昔穆王欲肆其心，周行天下，將必有車轍馬跡焉。

胡仍板蕩，靖續憤傷。

胡，厲王名。仍，因也。板，蕩，詩名。板，反也。蕩，法度廢壞之貌。靖，宣王名。厲王之子。續，繼也。厲王好利監謗，反先王與天之道，無綱紀文章，國人畔，厲王流死于戲。宣王既立，憤發傷厲，遂致中興。

側躬勵行，俊髦任職。

側躬不敢自安也。勵行，修飭所行也。志過千人曰俊。髦亦俊也。俊髦之士，任之以職。詩曰：側身修行，又曰：任賢使能，周室中興焉。

玃狁侵鎬，徐土騷釋。

玃，音險。狁，音允。鎬，下老切。玃狁，北狄。鎬，北方地名。徐土，徐國也。騷，動也。釋，陳也。宣王之時，外有北狄侵伐鎬地，內有淮夷擾動徐土也。詩曰：玃狁匪茹，侵鎬及方。又曰：徐方釋騷。

迅霆暉煒，虬虎綿翼。

暉，吐丹反。煒，吐雷反。虬，火交反。迅，疾也。霆，雷之急者。暉，暉也。衆也。煒，盛也。虬，虎怒也。綿綿，不可絕也。翼，不可亂也。宣王伐玃狁，征徐國，王旅如迅霆如虬虎，衆盛而又整暇。詩曰：戎車暉暉，暉暉煒煒，如霆如雷。又曰：進厥虎臣，闔如虬虎。又曰：綿綿翼翼，不測不克。

恢復疆境，雅頌諧激。

恢，大也。復，反也。雅，頌詩也。宣王能恢大復反其舊之疆場境土，歌詠於雅頌，如采芑車攻，江漢常武之詩，其聲諧和而激發也。詩曰：復文武之境土。

宜曰徒居，俯就衰絀。

絀，敕律切。宜曰：平王名。徙，遷。俯，俛也。避犬戎之難，東遷於洛。周室遂衰，言其棄文武之故都，俛就衰微。

繡削也。

宗廟黍離。過者閔惻。

宗，主也。廟，貌也。黍，黑黍也。離，離而垂也。閔，惻傷也。詩曰：周大夫行役，至於宗周，過故宗廟宮室，盡爲禾黍。閔周室之顛覆，徬徨不忍去。又曰：彼黍離離。

霸業紛更，周綱竟失。

自此諸侯彊併弱，齊桓、晉文、秦穆、宋襄、楚莊，各以霸業紛紜更迭爲盟主，禮樂征伐，不出於天子。周之紀綱竟失之也。

尼父將聖，體用皇極。

尼父，孔子也。哀公誅曰：尼父，將大也。皇極，大中也。言孔子大聖人，其存主施爲，皆大中之道也。論語曰：固天縱之將聖。書曰：五皇極。

魑罔莫害，陳餒那厄。

魑，杜回切。宋司馬姓桓名魑，陳國名餒，饑也。孔子適宋，與弟子習禮大樹下。魑欲殺孔子，終莫能害。又陳蔡大夫嘗發徒圍孔子於野，七日不食。孔子講誦絃歌不衰。楚莊王與師以迎，甯能厄之也。論語曰：天生德於予，桓魋其如予何。又曰：在陳絕糧。

刪定詩書，繫辭黜索。